

Pagina Rumantscha

Objektyp: **Group**

Zeitschrift: **Bündner Schulblatt = Bollettino scolastico grigione = Fegl
scolastic grischun**

Band (Jahr): **66 (2004-2005)**

Heft 9: **Lernen**

PDF erstellt am: **06.08.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

10 onns «Plema d'aur»

Martin Mathiuet

A caschun dalla rangaziun dalla «Plema d'aur» e dalla «Miur romantscha» 2005 da dumengia, ils 12 da zercladur 2005 allas 17.00 uras en scola a Trin vegn era festivau 10 onns «Plema d'aur».

Sco act festiv per 10 onns «Plema d'aur» vegn battegiu ils 12 da zercladur 2005 in disc compact (DC) cun si tut ils texts rangai e proponi da publicar da quels davos diesch onns. A caschun dil batten san ins reter il portatexts per in prezi special da frs 15.00 (Prezi da vendita pli tard frs 25.00 excl. porto e pachetadi) empustaziuns san vegnir fatgas tiel CCM Via principala 42 7031 Laax 081 921 25 60 / fax 70 ni ccm.secretariat@rumantsch.ch.

En quels 10 onns ei vegniu ensemen in enorm scazi da litteratura populara. Fertun ch'ei vegneva rangau ils emprems onns mintgamai treis texts per categoria han las giurias proponiu ils davos onns ultra dils texts premiai aunc ina schelta da texts adattai per publicar. Quels ein bein publicai els Calenders Per Mintgadi, ellas Tschuetas e per part en gasettas. Certs texts ein schizun vegni prelegi el Radio rumantsch. Capeivel ch'ina survesta ed ina rimnada cumpleta da quei relasch spatitschau ei strusch pusseivla. Per part ein ils organs

exausts e gasettas ein silpli d'anflar en bibliotecas.

Perquei han giuvenils rimnau ed endatau il material el rom dils projects da stad dil CCM a Laax. Dr. Gion Lechmann e Silvana Derungs han currigiu ils texts. Sapientivamein han ins denton rennuziau ad in lectorat rigurus. Ins ha aschia dau la preferentscha al ductus original dils auturs e dallas auturas.

Las rodund melli paginas A4 screttas d'affons, giuvenils e carschi sin il DC sedistingueschan oravontut el lungatg sempel, direct, popular e beinsavens d'in cuntegn fetg profund. Denteren ha ei schizun texts d'in nivel litterar fetg ault! Emprovas sin tuts scblems dalla scola han cumprovau che quella lectura ei fetg adattada sco lectura da scola. Ils lecturs e las lecturas apprezzieschan oravontut in'interpretaziun dil cuntegn. Positiv reagheschan els/ellas era sin il fatg che giuvenils ed affons – per part enconuschents – han scret ils texts. Quei ei savens il mussament ch'ins sa era scriver e motivescha beinqual da prender plema ni rispli.

Quella lectura sa era esser pugn da partenza per motivar scolarAs e scolaras da separicipar alla proxima concorrenza dalla Plema d'aur. Quella vegn scretta ora gl'atun proxim. Naven dalla proxima concorrenza vegnan ils texts premiai e quels proponi per l'ediziun edi en fuorma d'in cudisch da tastga. Secapescha che gl'autur e l'autura vegnan presentai cuortamein cun ina fotografia ed entginas indicaziuns biograficas. Cun quell'acziun vulein nus d'ina vart cudizzar giuven e vegl da sefatschentar cul plaid scret e da l'autra vart porscher regularmein lectura originala als interessai. Patertgau eis ei d'edir ina retscha ella fuorma dils cudischs da suhrkamp ni dtv. Plascheivel fuss naturalmein – sco mintg'onn – che scribentas e scribents da tut ils idioms ni era rumantsch grischun separicipeschan alla lutga.

TTS (Transfer Tecnologic Surselva)

Cun ina viseta alla scola da Donat enta Schons ei la Roadshow dil project «TTS» ida a fin. Buca meins che 1300 persunas (denter quellas biaras scolaras e biars scolaras cun lur scolasts) han priu la caschun da s'informar sur d'enqual pusseivladad che la nova tecnologia d'informaziun e communicaziun porscha a nus. Ils numerus feedbacks che nus havein astgau retscheiver ein stai fetg positivs. Quei fatg ha motivau ils responsabels da Microsoft CH, dalla Gruppa svizera per las regiuns da muntogna e la Regiun Surselva da prolunghir il project per in onn cun in program special per l'economia.

Mo era sin auters camps cuntinuescha la collaboraziun (ed igl engaschament) da Microsoft cun la Surselva ed il romantsch. Enconuschentamein ein ins en elaboraziun digl MS-OFFICE per romantsch. Ed ils 4 da zercladur 2005 ha giu liug a Mustér l'apertura dil «CTLC» (*community technology and learning center*). Quella purschida ei integrada ella ludoteca da Mustér e stat a disposiziun ad in e scadin.

informaziun:

La proxima ediziun dalla Tschuetta cumpara entuorn l'entschatta mars 2006 (e buca sco tochen dacheu cuort avon Nadal). Ella tracta il tema sport e sch'enzatgi vul contribuir enzatgei per quella numera supplichein da contactar Martin Mathiuet ccm.martin@rumantsch.ch 081 921 25 60

agenda :

12-14 d'uost 2005 festival dal teater rumantsch a Vuorz.
mesjamna sera, 5 d'october 2005 prelecziun da Silvio Camenisch a Cuera.
Detagls suondan!

10 onns Plema d'aur

Texts rangai e publicai

RENANIA
ROMANIA
URS